

AN KAHALAGAHAN KAN PAGDISIPLINA SA MGA AKI

**Tukduan mo an aki sa dalan na
maninigo niyang lakawan:
asin kun siya gurang na, dai siya
matalikod diyan. Talinhaga 22:6**



Para sa mga Magurang

Uya, an mga aki pamana nin Kagurangnan; asin an bunga kan tulak iyo an saiyang balos. Salmo 127:3
An dai nag-iingat sa saiyang sogkod naoongis sa saiyang aki, alagad an namomoot sa saiya pinapadusahan sia nin amay. Talinhaga 13:24
Sa pagkatakot sa Kagurangnan igwa nin makosog na pagsarig; asin an saiyang mga aki magkakaigwa nin pailihan. Talinhaga 14:26
Padusahan mo an saimong aki mantang igwa pang paglaom, asin dai mo pagtugutan an saimong kalag na mawara sa saiyang pagtangis. Talinhaga 19:18
An kamangmangan nakagapos sa puso nin sarong aki; alagad an sogkod nin pagtanos iyo an magpaparayo saiya saiya. Talinhaga 22:15
Dai mo pag-iwasan an pagsagwe sa aki, huli ta kun hampakon mo siya nin sugkod, dai siya magagadan. Ika an mahampak saiya nin sugkod, asin ililigtas mo an saiyang kalag sa impiyerno. Talinhaga 23:13-14
An sogkod asin an pagsagwe nagtatao nin katonongan, alagad an aki na pinapabayaan sana iyo an nagpapasopog sa saiyang ina. Talinhaga 29:15
Itama an saimong aki, asin tatawan ka niya nin kapahingaloan; iyo, siya magtatao nin kaogmahan sa saimong kalag. Talinhaga 29:17
Asin an gabos mong aki tutukduhan nin Kagurangnan; asin dakula an magigin katoninongan kan saimong mga aki. Isaias 54:13

Para sa mga Aki

Galangan mo an saimong ama asin an saimong ina, tanganing maghalawig an saimong mga aldaw sa daga na itatao saimo nin Kagurangnan na saimong Dios. Exodo 20:12

Aki ko, dai mo pag-olog-ologon an padusa nin Kagurangnan; ni mapagal sa saiyang pagtatanos: Huli ta an namomotan nin Kagurangnan saiyang sinasagwe; siring man sa sarong ama an aki na saiyang ikinakaogma. Talinhaga 3:11-12

An mga talinhaga ni Salomon. An madonong na aking lalaki nagpapaogma sa saiyang ama, alagad an aking mangmang nakakapamondo sa saiyang ina. Talinhaga 10:10

Hinanyoga an saimong ama na nag-aki saimo, asin dai mo pag-olog-ologon an saimong ina kun sia kurang na. Talinhaga 23:22

Mga aki, kuyogon nindo an saindong mga magurang sa Kagurangnan, huli ta ini an tama. Galangan mo an saimong ama asin ina; na iyo an enot na togon na may panuga; Tanganing magin marahay an saimo, asin ika mabuhay nin halawig sa daga. Efeso 6:1-3

Galangan mo an saimong ama sa bilog mong puso,
asin dai mo paglingawan an mga kamondoan kan
saimong ina. Giromdoma na ika ipinangaki sa
sainda; asin paano mo sinda mababayadan kan mga
bagay na saindang ginibo para saimo? Ecclesiasticus
7:27-28

Kun didisiplinahon niato an satong mga aki, sinda
mahibi ngonyan alagad mag-oogma sa ngapit. Kun
dai ta didisisiplinahon an satong mga aki, maoogma
sinda ngonyan alagad mahihihi sa maabot na
panahon.

An mga aki iyo an futuro kan satuyang nasyon.
Alagad kun sinda magurang na mayong disiplina,
ano an mangyayari sa satuyang nasyon?

An gabos na maraot na gawi nin sarong adulto iyo
idtong mga dai itinanos o dinisiplina kan siya aki pa
sana.

Kaipuhan tang padakulaon an mga aki na may takot
sa Diyos.

Nagkua ako nin sarong pidaso nin buhay na dalipay
Asin luway-luway na pinoporma ini aroaldaw
Nagdigdi giraray ako kan mawara na an mga taon
Idto sarong lalaki na sakong nahiling
Siya pa man giraray an amay na impresyon na
nagsulot
Asin dai ko na siya mababago